



# Սիպիլ

## Կ'անձրևե

Կ'անձրևե, կ'անձրևե...

Մութ, կապարե եթերին մեջ աննշույլ,  
Սև ագռավներ կ'իջնեն վերեն Հույլ ի Հույլ  
Հուղարկավոր վաղուց մեռած սիրտերուն  
Ջոր այնքան հեշտ ձայնով երգեց մեզ գարուն:

Կ'անձրևե, կ'անձրևե...

Եվ այդ հեղիկ շրշյունին մեջ, ես հանկարծ  
Անուշ վանկեր կ'ընդնշմարեմ սիրարժած,  
Որոնք հոգվու աշխարհներեն մեջ կուգան,  
Հովին, ջուրին, կառչած ձայներ սիրական:

Կ'անձրևե, կ'անձրևե...

Կաղամախի ոստերուն մեջ նիհարցած,  
Մրմունջի պես դեռ կը լսվի հևք մը ցած,  
Արձագանգը հոգիներու առանձին  
Որոնք իրենց տըխուր սերերը լացին:

Կ'անձրևե, կ'անձրևե...

Դեղնած թերթերը ճմլելով պուրակին  
Որոնք երեկ դեռ արևուն կըրակին՝  
Իրենց կյանքոտ բուրման նրվերը շրթեղ  
Կը խնկեին վետվետելով լուսագեղ:

Կ'անձրևե, կ'անձրևե...

Եվ օր մըն ալ մեր դամբանին հողին վրա,

Որ դեռ մեզի սուտ երազ մը կ'երևա,

Պիտի երգեն այդ անձրևներն ու խնդան

Մեր խեղճ սրտին հուզմանց վրբա անկենդան:

1902